

Молитвы утренние

Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:

Во имя Отца, и Сына, и Святаго Духа. Аминь.

Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным:

Молитва мытаря

(Евангелие от Луки, глава 18, стих 13)

Бо́же, ми́лостив бу́ди мне грéшному. (Поклон)

Молитва предначинательная

Моли́твами святы́х оте́ц на́ших, Го́споди Иису́се Христе́, Бо́же наш, поми́луй нас. Аминь.

Сла́ва Тебе́, Бо́же наш, сла́ва Тебе́.

Молитва Святому Духу

Царю́ Небе́сный, Уте́шителю, Ду́ше и́стины, Иже вездé сый и вся исполня́й, Сокро́вище благі́х и жи́зни Подáтелю, прииди́ и всели́ся в ны, и очисти ны от всякія скверны, и спаси́, Бла́же, ду́ши на́ша.

Трисвятое

Святы́й Бо́же, Святы́й Кре́пкий, Святы́й Безсме́ртный, поми́луй нас.
(Читается трижды, с крестным знаменем и поясным поклоном.)

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Аминь.

Молитва Пресвятой Троице

Пресвята́я Трои́це, поми́луй нас; Го́споди, очисти грехи́ на́ша; Влады́ко, прости́ беззакония на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. (Трижды). Сла́ва, и ны́не¹:

¹ Когда написано «Слава», «И ныне», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».

Молитва Господня

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари Троичные

Воставше от сна, припадаем Ти, Блаже, и ангельскую песнь вопиём Ти, Сильне: Свят, Свят, Свят еси, Боже, Богородицею помилуй нас.

Слава: От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Свята́я Троице: Свят, Свят, Свят еси, Боже, Богородицею помилуй нас.

И ныне: Внезапно Судия придет, и коегождо деяния обнажатся, но страхом зовём в полунощи: Свят, Свят, Свят еси, Боже, Богородицею помилуй нас.

Господи, помилуй. (12 раз)

Молитва Пресвятой Троице

От сна встав, благодарю Тя, Свята́я Троице, яко многия ради Твоея благодости и долготерпения не прогневался еси на мя, лениваго и грешнаго, ниже погубил мя еси со беззаконными моими; но человеколюбно еси обычно и в нечаянии лежащаго воздвигл мя еси, во еже утреневати и славословити державу Твою. И ныне просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечном, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся Цареву нашему Богу. (Поклон)

Приидите, поклонимся и припадём Христу, Цареву нашему Богу. (Поклон)

Приидите, поклонимся и припадём Самому Христу, Цареву и Богу нашему. (Поклон)

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих, яко да оправдишися во словесех Твоих, и победиши

внегда судити Ти. Се бо, в беззаконіях зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даши радость и веселие; возрадуются кости смиренныя. Отврати лице Твое от грех моих и вся беззаконія моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Символ веры

¹Верую во единого Бога Отца Вседержителя, Творца небу и земли, видимым же всем и невидимым. ²И во единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, несотворенна, единосущна Отцу, Имже вся быша. ³Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. ⁴Распятаго же за ны при Понтийстем Пилате, и страдавша, и погребенна. ⁵И воскресшаго в третий день по Писанием. ⁶И возшедшаго на Небеса, и седяща одесную Отца. ⁷И паки грядущаго со славою судити живым и мертвым, Егоже Царствию не будет конца. ⁸И в Духа Святаго, Господа, Животворящаго, Иже от Отца исходящего, Иже со Отцем и Сыном спокланяема и славима, главолава пророки. ⁹Во едину Святуу, Соборную и Апостольскую Церковь. ¹⁰Исповедую едино крещение во оставление грехов. ¹¹Чаю воскресения мертвых, ¹²и жизни будущаго века. Аминь.

Молитва 1-я, святого Макария Великого

Боже, очисти мя грешнаго, яко николиже сотворих благое пред Тобою, но избави мя от лукаваго, и да будет во мне воля Твоя; да неосужденно отверзу уста моя недостойная и восхвалю имя Твое святое, Отца и Сына и Святаго Духа, ныне и присно и во веки веков. Аминь.

Молитва 2-я, того же святого

От сна воста́в, полунощную песнь приношу́ Ти, Спа́се, и припа́дая вопио́у Ти: не даждь ми усну́ти во грехо́вней сме́рти, но ущедри мя, распный́ся во́лею, и лежа́щаго мя в ле́ности ускори́в возста́ви, и спаси́ мя в предстоя́нии и моли́тве, и по сне но́щнем возсия́й ми день безгре́шен, Христé Бóже, и спаси́ мя.

Молитва 3-я, того же святого

К Тебé, Влады́ко Человеколю́бче, от сна воста́в прибега́ю, и на дела́ Твоя́ подвиза́юся милосе́рдием Твои́м, и молю́ся Тебé: помози́ ми на всякое вре́мя, во всякой ве́щи, и изба́ви мя от всякия мирскія злы́я ве́щи и диаво́льскаго поспешéния, и спаси́ мя, и введи́ в Ца́рство Твое́ вéчное. Ты бо еси́ мой Сотвори́тель и всякому бла́гу Промы́сленник и Подáтель, о Тебé же все упова́ние моé, и Тебé сла́ву возсыла́ю, ны́не и при́сно и во ве́ки веко́в. Ами́нь.

Молитва 4-я, того же святого

Го́споди, Иже мно́гою Твоею́ бла́гостию и вели́кими щедро́тами Твои́ми дал еси́ мне, рабу́ Твоему́, мимоше́дшее вре́мя но́щи сея́ без напа́сти преи́ти от всякаго зла́ противна́; Ты Сам, Влады́ко, всяческих Тво́рче, сподо́би мя и́стинным Твои́м све́том и просвещéнным се́рдцем твори́ти во́лю Твою́, ны́не и при́сно и во ве́ки веко́в. Ами́нь.

Молитва 5-я, святого Василия Великого

Го́споди Вседержи́телю, Бóже сил и всякия плóти, в вы́шних живы́й и на смире́нныя призира́яй, сердца́ же и утробы́ испыту́яй и сокрове́нная челове́ков я́ве предве́дый, Безнача́льный и Присносу́щный Све́те, у Него́ же несть премене́ния, или преложе́ния осене́ние; Сам, Безсме́ртный Царю́, приими́ моле́ния наша́, я́же в настоя́щее вре́мя, на мно́жество Твои́х щедро́т дерза́юще, от скве́рных к Тебé усте́н творим, и оста́ви нам прегреше́ния наша́, я́же де́лом, и сло́вом, и мы́слию, ве́дением, или́ неве́дением согреше́нная на́ми; и очисти́ ны от всякия скве́рны плóти и ду́ха. И да́руй нам бо́дренным се́рдцем и трезвенною мы́слию всю настоя́щаго жити́я но́щь преи́ти, ожида́ющим прише́ствия све́тлаго и явле́ннаго дне Единоро́днаго Твоего́ Сы́на, Го́спода и Бо́га и Спа́са нашего́ Иису́са Христа́, в о́ньже со сла́вою Судия́ всех прии́дет, кому́ждо отда́ти по делóм его́; да не па́дше и обленивше́ся, но бо́дрствующе и воздви́жени в де́лание обря́щемся гото́ви, в ра́дость и Божéственный черто́г сла́вы Его́ совни́дем, иде́же пра́зднующих глас непреста́нный, и неизрече́нная сла́дость зря́щих Твоего́ лица́ добро́ту неизрече́нную. Ты бо еси́ и́стинный Свет, просвеща́яй и освяща́яй вся́ческая, и Тя поёт́ вся тварь во ве́ки веко́в. Ами́нь.

Молитва 6-я, того же святого

Тя благословім, вы́шний Бо́же и Го́споди мѣлости, творя́щаго прѣсно с нами вели́кая же и неизсле́дованная, сла́вная же и ужа́сная, ѡхже несть числа́, пода́вшего нам сон во упоко́ение немо́щи на́шей, и ослабле́ние трудо́в многотру́дныхя плóти. Благодарѣм Тя, ꙗ́ко не погубѣл еси́ нас со беззако́ными на́шими, но человеколю́бствовал еси́ обы́чно, и в неча́янии лежа́щия ны воздви́гл еси́, во е́же славосло́вити держа́ву Твою́. Те́мже мо́лим безме́рную Твою́ бла́гость, просветѣ́ на́ша мы́сли, очеса́, и ум наш от тяжка́го сна лѣности возста́ви: отвѣрзи на́ша уста́, и испóлни ꙗ́ Твоего́ хвалѣ́ния, ꙗ́ко да возмо́жем непоколе́блемо пѣти же и испове́даться Тебе́, во всех, и от всех сла́вимо́му Бо́гу, Безнача́льному Отцу́, со Единоро́дным Твоѣм Сы́ном, и Всесвяты́м и Благо́м и Животворя́щим Твоѣм Ду́хом, ны́не и прѣсно и во ве́ки веко́в. Ами́нь.

Молитва 7-я, ко Пресвятой Богородице

Воспева́ю благода́ть Твою́, Влады́чице, молю́ Тя, ум мой облагодати́. Ступа́ти пра́во мя наста́ви, путе́м Христо́вых за́поведей. Бде́ти к пѣсни укрепи́, уны́ния сон отгоня́ющи. Свя́зана плени́цами грехопаде́ний, мольба́ми Твоѣми разреши́, Богоневѣ́сто. В но́щи мя и во дни сохраня́й, борю́щих враг изба́вляющи мя. Жизнода́теля Бо́га ро́ждшая, умерщвле́на мя страстьми́ оживѣ́. Я́же Свет невече́рний ро́ждшая, ду́шу мою́ ослѣпшую просветѣ́. О дѣ́вная Влады́чняя пала́то, дом Ду́ха Божѣ́ственна мене́ сотвори́. Врача́ ро́ждшая, уврачу́й души́ моея́ многоле́тныя стра́сти. Волну́ющаяся житѣ́йскою бу́рею, ко стезѣ́ мя пока́яния напра́ви. Изба́ви мя огня́ ве́чнующаго, и че́рвия же зла́го, и та́ртара. Да мя не яви́ши бесо́м ра́дование, ѡ́же мно́гим грехо́м повинника́. Но́ва сотвори́ мя, обетша́вшего нечу́вственными, Пренепоро́чная, согреше́нии. Стра́нна му́ки вся́кия покажи́ мя, и всех Влады́ку умоли́. Небе́сная ми улу́чи́ти весѣ́лия, со все́ми святы́ми, сподо́би. Пресвята́я Де́во, услы́ши глас непотре́бнаго раба́ Твоего́. Струю́ дава́й мне слеза́м, Пречи́стая, души́ моея́ скверну́ очища́ющи. Стена́ния от се́рдца приношу́ Ти непреста́нно, усѣрдствуй, Влады́чице. Моле́бную службу́ мою́ приими́, и Бо́гу благоутро́бному принеси́. Превы́шшая Ангел, мирска́го мя превы́шша слѣ́тия сотвори́. Светоно́сная Се́не небе́сная, духо́вную благода́ть во мне напра́ви. Ру́це возде́ю и устне́ к похвалѣ́нию, оскверне́ны скверною́, Всенепоро́чная. Душетле́нных мя па́костей изба́ви, Христа́ приле́жно умоля́ющи; Ему́же честь и поклонѣ́ние подоба́ет, ны́не и прѣсно и во ве́ки веко́в. Ами́нь.

Молитва 8-я, Господу нашему Иисусу Христу

Многоми́лостиве и Всеми́лостиве Бо́же мой, Го́споди Иису́се Христе́, мно́гия ра́ди любве́ сшел и воплотѣ́лся еси́, ꙗ́ко да спасе́ши всех. И па́ки,

Спáсе, спаси́ мя по благода́ти, молю́ Тя; аще бо от дел спасе́ши мя, несть се благода́ть и дар, но долг па́че. Ей, мно́гий в щедро́тах и неизрече́нный в ми́лости! Ве́руйяй бо в Мя, рекл еси́, о Христé мой, жив бу́дет и не у́зрит сме́рти во ве́ки. Аще у́бо ве́ра, яже в Тя, спаса́ет отча́янных, се ве́рую, спаси́ мя, я́ко Бог мой еси́ Ты и Созда́тель. Ве́ра же вме́сто дел да вмени́тся мне, Бо́же мой, не обря́щещи бо дел отню́д оправда́ющих мя. Но та ве́ра моя́ да довлéет вме́сто всех, та да отвеща́ет, та да оправди́т мя, та да пока́жет мя прича́тника сла́вы Твоея́ вéчныя. Да не у́бо похи́тит мя сатана́, и похва́лится, Сло́ве, е́же отто́ргнути мя от Твоея́ руки́ и огра́ды; но или́ хошú, спаси́ мя, или́ не хошú, Христé Спа́се мой, предвари́ ско́ро, ско́ро погибо́х: Ты бо еси́ Бог мой от чре́ва ма́тере моея́. Сподóби мя, Го́споди, ны́не возлюби́ти Тя, я́коже возлюбих́ иногда́ той са́мый грех; и па́ки порабо́тати Тебе́ без ле́ности то́щно, я́коже порабо́тах прэ́жде сатанé льсти́вому. Наипа́че же порабо́таю Тебе́, Го́споду и Бо́гу моему́ Иису́су Христу́, во вся дни живота́ моего́, ны́не и при́сно и во ве́ки веко́в. Ами́нь.

Молитва 9-я, к Ангелу хранителю

Святы́й Ангеле, предсто́йяй ока́янной мое́й души́ и стра́стной мое́й жи́зни, не оста́ви мене́ грéшного, ниже́ отступи́ от мене́ за невозде́ржание мое́. Не даждь ме́ста лука́вому де́мону облада́ти мно́ю, наси́льством сме́ртного сего́ телесе́; укрепи́ бе́дствующую и худую́ мою́ ру́ку и наста́ви мя на путь спасе́ния. Ей, святы́й Ангеле Бо́жий, храните́лю и покровите́лю ока́янных моея́ души́ и те́ла, вся мне прости́, ели́кими тя оскорби́х во вся дни живота́ моего́, и аще что согреши́х в прешéдшую но́щь сию́, покрый́ мя в настоя́щий день, и сохрани́ мя от вся́каго искуше́ния проти́вного, да ни в ко́ем гресе́ прогне́ваю Бо́га, и моли́ся за мя ко Го́споду, да утверди́т мя в стра́се Своём, и досто́йна пока́жет мя раба́ Своея́ бла́гости. Ами́нь.

Молитва 10-я, ко Пресвятой Богородице

Пресвята́я Влады́чице моя́ Богоро́дице, святы́ми Твои́ми и всеси́льными мольба́ми отжени́ от мене́, смире́нного и ока́янного раба́ Твоего́, уны́ние, забвение, неразу́мие, нераде́ние, и вся скве́рная, лука́вая и ху́льная помышле́ния от ока́янного моего́ се́рдца и от помраче́нного ума́ моего́; и погаси́ пла́мень страсте́й мои́х, я́ко нищ есмь́ и ока́янен. И изба́ви мя от мно́гих и лю́тых воспомина́ний и предпри́ятий, и от всех действ злых свободи́ мя. Я́ко благослове́на еси́ от всех родо́в, и сла́вится пречестно́е и́мя Твое́ во ве́ки веко́в. Ами́нь.

Молитвенное призывание святого, имя которого носишь

Моли́ Бо́га о мне, святы́й уго́днице Бо́жий (*имя*), я́ко аз усер́дно к тебе́ прибега́ю, ско́рому помо́щнику и моли́твеннику о душе́ мое́й.

Песнь Пресвятой Богородице

Богородице Дѣво, радуйся, Благодатная Маріе, Господь с Тобою; благословѣна Ты в женах и благословѣн плод чрева Твоего, яко Спаса родила еси душ наших.

Тропарь Кресту и молитва за отечество

Спаси, Господи, люди Твоя, и благослови достояние Твое, победы на сопротивныя даруя, и Твое сохраняя Крестом Твоим жительство.

Молитва о живых

Спаси, Господи, и помилуй рабов Твоих: отца моего духовнаго (*имя*), родителей моих (*имена их*), сродников (*имена*), начальников, наставников, благодетелей (*имена*) и всех православных христиан (*поклон*). Избави их от всякия скорби, гнева и нужды (*поклон*), от всякия болезни душевныя и телесныя (*поклон*). Прости им всякое согрешение, вольное и невольное (*поклон*) и душам нашим полезная сотвори (*поклон*).

Молитва о усопших

Упокой, Господи, души усопших раб Твоих: [родителей моих], сродников, благодетелей (*имена их*), и всех православных христиан (*поклон*), и елико в житии сем яко человецы согрешиха, Ты же, яко Человеколюбец Бог, прости их и помилуй (*поклон*), вечныя муки избави (*поклон*), Небесному Царствию причастники учини (*поклон*) и душам нашим полезная сотвори (*поклон*).

Если можешь, читай вместо кратких молитв о живых и усопших Помянник (см. в конце утренних молитв).

Окончание молитв

Достойно есть яко воистину блажити Тя Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем (*поклон*).

[От Пасхи до Вознесения вместо этой молитвы читается припев и ирмос 9-й песни Пасхального канона:

Ангел вопиаше Благодатней: Чистая Дѣво, радуйся! И паки реку: радуйся! Твой Сын воскресе тридневен от гроба и мертвья

воздвигнувый; лю́дие, веселі́теся!

Светі́ся, светі́ся, но́вый Иерусали́ме, сла́ва бо Господня на тебѣ возсія́. Ликуй ны́не и веселі́ся, Сио́не. Ты же, Чи́стая, красуйся, Богороди́це, о воста́нии Рождества́ Твоего

В двенадцатые праздники читается задостойник праздника (см. раздел “Тропари, кондаки и величания на праздники Господни, Богородичны, святых великих.”)

Сла́ва, и ны́не: Го́споди, поми́луй. (Трижды)

Го́споди, Иису́се Христѣ, Сы́не Бо́жий, моли́твами Пречи́стыя Твоея́ Ма́тере, преподо́бных и богоно́сных оте́ц на́ших и всех святы́х поми́луй и спаси́ нас, я́ко Благ и Человеколю́бец. Ами́нь.

Молитва оптинских старцев²

Господи, дай мне с душевным спокойствием встретить все, что принесет мне наступающий день. Дай мне всецело предаться воле Твоей святой. На всякий час сего дня во всем наставь и поддержи меня. Какие бы я ни получал известия в течение дня, научи меня принять их со спокойной душой и твердым убеждением, что на все святая воля Твоя.

Во всех словах и делах моих руководи моими мыслями и чувствами. Во всех непредвиденных случаях не дай мне забыть, что все ниспослано Тобой.

Научи меня прямо и разумно действовать с каждым членом семьи моей, никого не смущая и не огорчая.

Господи, дай мне силу перенести утомление наступающего дня и все события в течение дня. Руководи моею волею и научи меня молиться, верить, надеяться, терпеть, прощать и любить. Аминь.

Помяник

О живых

Помяни́, Го́споди Иису́се Христѣ, Бо́же наш, ми́лости и щедрóты Твоя́ от ве́ка сущія, ихже ра́ди и вочеловѣчился еси́, и распя́тие и смерть, спасѣ́ния ра́ди пра́во в Тя ве́рующих, претерпе́ти изво́лил еси́; и воскрѣ́с из ме́ртвых, возне́слся еси́ на Небеса́ и седи́ши одесну́ю Бо́га Отца́, и призира́еши на смире́нныя мольбы́ всем се́рдцем призыва́ющих Тя. Приклони́ у́хо Твое́, и услы́ши смире́нное моле́ние мене́, непотре́бнаго раба́ Твоего́, в воню́ благоуха́ния духо́внаго, Тебе́ за вся лю́ди Твоя́ принося́щаго. И в пе́рвых помяни́ Це́рковь Твою́ Святу́ю, Собо́рную и Апóстольскую, ю́же снабде́л еси́ честно́ю Твое́ю Кро́вию, и утверди́, и укрепи́, и расшири́, умно́жи, умири́, и непреборі́му а́довыми враты́ во ве́ки сохрани́; раздира́ния Церкве́й утиши́, шата́ния язы́ческа ягаси́, и

² При желании читается по окончании утренних молитв.

ересей востанія скоро разорі и искорені, и в ничтоже сілою Святаго Твоего Духа обрати. *(Поклон.)*

Спасі, Господи, и помілуй богохранімую страну нашу, власти и воинство ея, ограді миром их, и глаголи мирная и благая в сердцах их о Церкви Твоей Святей, и о всех людех Твоих, да и мы в тишинѣ их тихое и безмолвное житіе поживѣм во правверіи, и во всяком благочестии и чистотѣ. *(Поклон.)*

Спасі, Господи, и помілуй Великаго Господіна и Отца нашего Святѣйшего Патриарха Алексія, и святѣйшія вселенскія патриархи, преосвященныя митрополиты, архиепископы и епископы православныя, иереи же и диаконы, и весь причет церковный, яже поставил еси пасти словесное Твое стадо, и молитвами их помілуй и спасі мя грешнаго. *(Поклон.)*

Спасі, Господи, и помілуй отца моего духовнаго *(имя его)*, и святыми его молитвами прости моя согрешения. *(Поклон.)*

Спасі, Господи, и помілуй родители моя *(имена их)*, братію и сестры, и сродники моя по плоти, и вся ближняя рода моего, и други, и даруй им мирная Твоя и премирная благая. *(Поклон.)*

Спасі, Господи, и помілуй во святогорских монастырѣх, и в российских, и во инѣх мѣстех живущія и пребывающія отцы и братію нашу, и сестры, и моливами их помілуй и мене, грешнаго. *(Поклон.)*

Спасі, Господи, и помілуй по множеству щедрот Твоих вся священноиноки, иноки же и инокини, и вся в дѣвстве же и благоговѣнии и постничестве живущія в монастырѣх, в пустынях, в пещерах, горах, столпѣх, затворѣх, расселинах каменных, островѣх же морских, и на всяком мѣсте владычества Твоего правверно живущія, и благочестно служащія Ти, и молящіяся Тебѣ: облегчи им тяготу, и утѣши их скорбь, и к подвигу от Тебѣ силу и крепость им подаждь, и молитвами их даруй ми оставление грехов . *(Поклон.)*

Спасі, Господи, и помілуй старцы и юныя, нищія и сироты и вдовицы, и сущія в болѣзни и в печалех, бедѣх же и скорбѣх, обстоянних и плененних, темницах же и заточенних, изряднее же в гоненних, Тебѣ ради и веры православныя, от язык безбожных, от отступник и от еретиков, сущія рабы Твоя, и помяни я, посети, укрепи, утѣши, и вскоре сілою Твоею ослабу, свободу и избаву им подаждь. *(Поклон.)*

Спасі, Господи, и помілуй благотворящія нам, милующія и питающія нас, давшія нам милостыни, и заповѣдавшія нам недостойным молітися о них, и упокоевающія нас, и сотвори милость Твою с ними, даруя им вся, яже ко спасенію прошения, и вечных благ воспріятіе . *(Поклон.)*

Спасі, Господи, и помілуй посланныя в службу, путешествующія, отцы и братію нашу, и вся православныя христианы . *(Поклон.)*

Спасі, Господи, и помілуй ихже аз безумием моим соблазних, и от пути спасительнаго отвратих, к делом злым и неподобным приведох; Божественным Твоим Промыслом к пути спасения паки возврати .

(Поклон.)

Спаси́, Го́споди, и помилуй ненавидящия и обидящия мя, и творящия ми напа́сти, и не оста́ви их поги́бнути мене́ ра́ди, грешнаго . *(Поклон.)*

Отступившия от правосла́вныя ве́ры и поги́бельными ере́сьми́ ослепленныя, све́том Твоего́ познания́ просвети́ и Святе́й Твое́й Апосто́льстей Собо́рней Це́ркви причти. Правове́рие же утверди́, и воздвигни рог христиа́нский, и низпосли́ на нас ми́лости Твоя́ богатыя. *(Поклон.)*

О усопших

Помяни́, Го́споди, от жития́ сего́ отше́дшия правове́рныя ца́ри и ца́рицы, благове́рныя кня́зи и кня́гини, святе́йшия патриа́рхи, преосвященныя митрополи́ты, архиепи́скопы и епи́скопы правосла́вныя, во иере́йстем же и в причте́ церко́внем, и мона́шестем чи́не Тебе́ послужи́вшия, и в ве́чных Твои́х селени́их со святы́ми упоко́й. *(Поклон.)*

Помяни́, Го́споди, ду́ши усо́пших раб Твои́х, [родите́лей мои́х], *(имена их)*, и всех сродни́ков по плоти́; и прости́ их вся согреше́ния во́льная и нево́льная, да́руя им Ца́рствие и прича́стие ве́чных Твои́х благо́их и Твое́я безконече́ныя и блаже́нныя жи́зни наслажде́ние. *(Поклон.)*

Помяни́, Го́споди, и вся в наде́жди воскресе́ния и жи́зни ве́чныя усо́пшия, отцы́ и бра́тию на́шу, и сестры́, и zde лежа́щия и повсю́ду, правосла́вныя христиа́ны, и со святы́ми Твои́ми, иде́же присеща́ет свет лица́ Твоего́, всели́, и нас помилуй, я́ко Благ и Человеколю́бец. Ами́нь. *(Поклон.)*

Пода́ждь, Го́споди, оставле́ние грехо́в всем пре́жде отше́дшим в ве́ре и наде́жди воскресе́ния, отце́м, бра́тиям и се́страм на́шим и сотвори́ им ве́чную па́мять. *(Трижды.)*